

II MARCHA CICLOTURISTA BTT: ARZÚA DESTINO VERDE



1. DATOS XERAIS DA ACTIVIDADE


- **Denominación:** II Marcha Cicloturista BTT: Arzúa Destino Verde
- **Organizador:** Concello de Arzúa. Concellería de Turismo
- **Data:** Domingo, 24 de maio de 2026
- **Distancias:** curta (32 km +503) longa (70km +1665)
- **Hora:** 9:30 a 14:30 h
- **Localidade de Saída:** No campo da festa de Santa María en Arzúa, a carón do polideportivo
- **Localidade de Chegada:** Arzúa
- **Modalidade:** Evento deportivo non federado
- **Categoría:** Maiores de 18 anos (participantes de 14 a 17 anos con autorización)

2. REGULAMENTO DA PROBA

Organización e Data: O Concello de Arzúa, a través da Concellería de Turismo, organiza a II Marcha Cicloturista BTT ARZÚA DESTINO VERDE, que terá lugar o domingo, 24 de maio de 2026, con saída e chegada no mesmo punto (campo da festa de Santa María <https://maps.app.goo.gl/qJn2vj9xhWkKbGaP6>). A saída será ás 09:30 h e a hora de chegada do último participante non poderá superar as 14:30 horas.

A concentración e entrega de dorsais terá lugar a partir das 8:15 horas no punto de inicio, unha hora e cuarto antes da saída da proba .

Ao rematar a proba haberá servizo de duchas no pavillón anexo á saída. Na foto pódese observar tanto o punto de inicio da proba como o pavillón.



1. **Natureza da Proba:** Trátase dunha actividade de cicloturismo-BTT, cuxo obxectivo é fomentar o ocio, o turismo e a cultura, excluindo expresamente a competición. As persoas participantes, coa súa inscrición, declaran estar fisicamente aptas para a proba.
2. **Normas de Circulación:** As persoas inscritas deben respectar en todo momento o Código de Circulación, sendo responsables das infraccións que cometan. O tráfico non estará pechado, polo que se debe extremar a precaución en cruces e zonas habitadas.
3. **Idade Mínima:** A idade mínima de participación é de 18 anos. Os menores de 14 a 17 anos poderán participar cunha autorización asinada polo pai, nai ou titor/a, acompañada dunha copia do DNI da persoa que autoriza.
4. **Responsabilidades:** A organización non se fará responsable dos gastos ou débedas que as persoas participantes poidan contraer durante o percorrido.
5. **Seguridade:** O uso do casco é obrigatorio en toda a actividade.
6. **Animais de Compañía:** Non se permitirá a presenza de animais durante a marcha.
7. **Inscricións:** A inscrición deberá realizarse a través da plataforma oficial: **SPORTMANIACS**

O prezo da inscrición será de 12 €.

Todos os participantes terán un agasallo conmemorativo da proba e participarán nos sorteos programados pola organización. A entrega será anunciada polo speaker. Cada participante participará nos sorteos co número do seu dorsal. Só se entregarán os premios aos participantes que estén presentes no momento da entrega ao finalizar a marcha.

O club que anote un maior número de participantes será recoñecido ao finalizar a proba. Entenderase por club todos os participantes que se anoten baixo unha mesma denominación, podendo ser unha agrupación informal.

O número máximo de participantes será de 500.

O prazo de inscrición rematará o mércores 20 de maio de 2026, ou cando se cubran as prazas dispoñibles.

Non se admitirán devolucións despois da inscrición.

Plataforma de inscricións do evento: *sportmaniacs*

Os sorteos que se fagan a través das redes sociais anunciarán a través das mesmas as súas regras de participación.

8.Comunicacións Oficiais: As comunicacións realizaranse a través dos seguintes medios:

Páxina web do Concello de Arzúa

Perfís oficiais en Instagram e Facebook de Arzúa Turismo, así como a web do Concello de Arzúa.

9.Percorrido e Puntos de Control: Estableceranse puntos de control con horarios prefixados. O persoal da organización indicará camiños alternativos se algún participante supera os tempos establecidos.

A marcha terá dúas versións; unha corta e unha longa, as cales estarán debidamente indicadas. Non é preciso indicar cal das dúas se vai realizar, cada participante escollerá a que vai realizar no punto onde se separan, o cal estará sinalizado. A corta terá km e a longa terá km.

10.Modificacións e Suspensións: A organización resérvase o dereito de modificar horarios e percorridos por motivos de seguridade. En caso de alerta laranxa, a proba será suspendida e buscarase unha nova data sen devolución de inscricións.

11.Sinalización e Equipamento:

Os percorridos estarán sinalizados con estacas de madeira e cintas de balizamento de ser o caso.

O modelo de sinalización será similar ao da foto



12.Servizos de Asistencia: Disporase de asistencia sanitaria, ambulancia, Policía Local e Protección Civil durante o evento.

Haberá 2 avituallamentos ao longo do percorrido e outro ao rematar.

Ao finalizar a proba, os participantes terán acceso a duchas no pavillón anexo á saída e servizo de lavado de bicicletas.

13.Protección de Datos: A organización garante o cumprimento da Lei Orgánica 3/2018 de Protección de Datos Personais e garantía dos dereitos dixitais. Os datos persoais serán incorporados a un ficheiro xestionado por LAMAS BIKE para a xestión do evento. Os participantes poderán exercer os seus dereitos de acceso, rectificación ou cancelación dos seus datos.




14.Dereitos de Imaxe: A inscrición implica a aceptación do uso das imaxes das persoas participantes para fins promocionais, prensa ou comunicación institucionais sen dereito a compensación económica.

15.Aceptación do Regulamento: A participación nesta marcha implica a aceptación total deste regulamento, así como a renuncia a reclamacións por posibles danos que poidan ocorrer durante o evento.

16.A actividade conta cun seguro de responsabilidade civil e un seguro de accidentes colectivos coas coberturas reguladas polo RD 849/1993, polo que se determinan as prestacións mínimas do seguro obrigatorio deportivo.

 Cicloturismo sostible na II marcha Cicloturista BTT Arzúa  

Na nosa aposta pola sustentabilidade, toda a sinalización da proba está feita en madeira reutilizable e gravada con láser, garantindo 0 residuos plásticos ou de pinturas. Queremos que esta ruta transcorra nun entorno natural preservado, e para iso contamos contigo.

 **Respeto o camiño, coida a natureza e deixa 0 impacto.** Xuntos facemos do deporte unha experiencia máis sostible!  

¡Esperámosvos en Arzúa para desfrutar dunha xornada de deporte e natureza!